

韓文公年譜

漢書門			
二	三	三	七
冊	架	函	號

庫文閣内			
三	二	二	漢
函	二	二	書
二	冊	冊	類
五	架	架	

内閣文庫	
番號	漢 2274
冊數	2 ( 2 )
函號	287 78



綴じ部(喉部分)の文字など開きが不鮮明な箇所あり

七年

辰春復為國子博士

淺草文庫

實錄

云七年二月乙未職方員外郎

韓愈

為國子博士旧史云華州刺史閻濟養以

公事

停華陰令柳澗縣務居數月濟美罷  
諷百姓遮道索前年軍頓役直後刺

史趙昌至按得澗罪以聞貶房州司馬時

愈因使過華以為刺之相黨上疏理澗詔

遣監察御史李宗爽按得澗贓狀再貶封

溪尉以愈妄論復爲國子博士柳澗建中  
四年進士也公自去年以來未嘗出使或  
云即公赴職方時過華觀其事遂疏于朝  
尔進李解云三年博士元不見沿世史作  
三爲博士按心貞元壬午授四門博士元  
和丙戌爲國子博士丁亥分教東都零年  
又自郎官下遷凡四爲博士矣此先言暫  
爲御史繼言三爲博士則自丙戌爲後三  
歷此官也若云三年則自元年夏赴召至  
四年春尚爲博士首尾已四年矣玉川子  
有常州孟諫議座上聞韓員外貶國子五  
首云國學大頻謂此也孟諫議簡也以  
直言出刺常州是年二月有論錢重物輕  
狀蓋自建中定兩稅而物輕錢重民以爲  
患也十二月有石鼎然句詩或云皆退之  
所作如毛穎傳以文滑稽耳軒轅寓公姓

彌明寓公名侯喜師服皆其弟子也余曰  
不然公年諸子朝戲見於詩者多矣皇甫  
湜不能詩則曰倚掖糞壤間孟郊思苦則  
曰腸肚鎮煎煇樊宗師語淡則曰辭慳義  
卓閑止於是矣不應譏誚新薄之如是甚  
也且序云衡山道士軒轅彌明貌極醜白  
鬚墨面長頸而高結喉中又作楚語年九  
十然此豈亦退之自謂邪予同年李道宣  
云出見唐人所作賈島碣云聯句云稱  
軒轅旆明即居也島范陽人彌明衡山人  
島本浮屠而彌明道士附會之妄無可信  
者杜仙傳拾遺有彌明傳雖祖述退之之  
語亦必有是人矣贈劉師服云祇今年纔  
四十五唐本云元和六年又云巨燔東釣  
儻可期年子共飽鯨魚膾田史云十二年  
駙馬都尉于季友居喪年進士劉師服夜

飲師服流連州公亦以十四年貶潮陽與  
東坡遂從此而入海之讖同也公送師服  
詩云低頭受侮笑隱忍碑瓦寬齋財入市  
賣賣者常難售而師服乃以酒食之故得  
罪察逐與蘇子美坐會容除名之事同也  
劉夢得寄楊八拾遺曰為謝同僚老博士  
范雲來歲即心卿楊八名歸厚是年十二  
月八拾遺貶國子主簿分司見旧史司僚  
老博士謂退之也梁范雲由國子博士為  
黃門侍郎其讞表云去歲冬初國子左博  
士爾是年有李素石洪墓誌路應神道碑  
祭石三學士洪文  
八年笑已春守尚書比部郎中史館脩撰  
順帝永貞元年  
有進學解非是

實錄云八年三月乙亥國子博士韓愈比  
部郎中史館脩撰新史云愈數黜官文下中

遷乃作進學解以自喻執政覽之竒其才  
曰史云執政覽其文而憐之以其有史才  
改比部郎中史館修撰然則執政憐其數  
點且以有史才故係是官非止竒其能文  
而遷擢之也新史務簡遂失其實時宰相  
武元衡李吉甫李絳也公除官制曰大學  
博士韓愈學術精博文力雄健立詞措意  
有馮馬之風求之一時甚不易得加以性  
方道直介然有守不交勢利自致名望可  
使執簡列爲史官記事書法必無所苟仍  
遷卽位用示廢升白居易詞也答魏博田  
弘正書云奉十一月示問今譙廟碑云  
元和八年則此書在今冬也是年有烏氏  
廟碑鄭僭神道碑李虛中董溪息國夫人  
墓誌

志道云公入館不修史或貽書勸其筆削愈答云

自古爲史者不有人責必有天災柳子厚聞而非  
之以書箴其失

九年甲午冬爲考功郎中知制誥  
實錄云九年十月甲子韓愈考功郎中依  
前史館修撰十二月戊午以考功知制誥  
旧史云比部踰歲轉考功自去春至今豈  
特踰歲也必在史館有答劉秀才元微之  
書云劉書以六月九日柳宗元與公論史  
書以正月二十一日宗元云前獲書言史  
事云具與劉秀才書及今乃見書藁知心  
答劉在去去年六月宗元書在今年正月也  
子厚呼退之十餘丈者韓公兄弟皆其父  
執見子厚先友記按子厚平時稱退之不  
曰韓愈則曰韓生文人相輕自古皆然  
退之道子厚不容口以此見二心之爲人  
也與微之書云濟逢父子自吾人發唐史

云甄濟不污祿山拜太子舍人來瑱辟爲  
陝西襄陽參謀拜禮部員外郎宣城楚昭  
王廟塹地廣九十畝濟立墅其左子逢耕  
宜城墅自力讀書以父名不見史欲詣京  
師自言元和中荆南節度袁滋素濟節行  
有詔贈祕書少監即公所云追爵其父第  
四品者甄氏居宜城見宜城驛記送張道  
士序云九年間朝廷將治東方諸侯貢賦  
之不如法者謂吳元濟也是年有劉昌裔  
神道碑王適孟郊扶風郡夫人墓誌

十年乙未

呂云是年拜  
中書舍人

和庫部盧四兄曹長元日朝廻及寒食直  
歸遇雨二詩唐本云元和十年公知制誥  
寓宜禁掖故詩云風光連日直陰雨半朝  
歸年李華州書云枯宿宜舍並可告語也  
華州李尚書即李絳也絳以元和六年冬



同平章事九年春罷爲禮部尚書十年春  
檢校戶部尚書出爲華州刺史潼關防禦  
鎮國軍等使書云乍離闕庭伏計倍增戀  
慕當在今年又云愈於久改游從之中蒙  
恩獎知待最深最厚公與絳同年進士絳  
爲相擢公太史又云愚以爲當慮有所及  
宜密以上聞不宜以疎外自待本傳云州  
有捕鷄戶歲責貢限絳以爲言并勸上田  
糶入爲兵部尚書今本以爲李實誤矣進  
順宗實錄批云去年十一月臣在史職  
監修李吉甫撰臣以前史官韋處厚所撰  
先帝實錄三卷今臣重修吉甫慎重其事  
欲更研討比及身歿尚未加功臣於吉甫  
宅取得旧本自冬及夏刊正方畢按吉甫  
九年十月卒則進實錄在此年夏也旧史  
云愈撰實錄繁簡不當叙事拙於取捨按

退之作史詳略各有意削去常事著其繁  
於政者其褒善貶惡之旨明甚當時議者  
非之卒釐定並全篇良可惜也史又云愈  
說禁中事頗切直內官惡之往於上前  
言其不實此言是也公年鄂州柳公綽中  
丞二書云計已年裴中丞相見行營事宜  
不惜時賜示及當在今年公綽以鄂岳兵  
五千隸安州刺史李聽率赴行營公綽曰  
朝廷以吾儒生不知兵邪即日上奏願行  
許之抵安州選卒六千屬聽戒其部校曰  
行營之事一次都將聽感恩畏威和出麾  
下鄂軍既在行營公綽時令省問其家疾  
病養生送死必厚廩之故鄂人戰每剋捷  
資治通鑑云九年閏八月少陽卒其子元  
濟自領軍務十年春縱兵侵掠及於東畿  
命宣武等十六道兵進討其後師久未有

功五月上遣中丞裴度詣行營察用兵形  
勢度進言淮西必可取之狀者功即中知  
制誥韓愈上言淮西三州之地自少陽疾  
病去年春夏已來圖為今日之事又云以  
三少州殘弊困剝之餘而當天下之全力  
其破敗可立而待所未可知者在陛下斷  
與不斷耳此狀在裴度奈形勢之後三州  
申光蔡也又云少陽之沒朕亦本擬與元  
濟今本作少誠誤矣六月有論捕賊行賞  
表曰史云十年六月鎮州節度王承宗遣  
盜刺宰相武元衡又刺裴度傷首而先詔  
京城諸道能捕賊者賞錢萬貫仍與五品  
官乃積錢貳萬貫於東西市京城大索神  
策將士王士則王士平以盜名上言且言  
承宗所使乃捕得張景昇八人誅之藍田  
縣丞廳記唐本云元和十年是年有杜孤

柳衛之立墓誌徐匯王碑

十一年丙申春遷中書舍人夏為太子右庶  
子

實錄云十一年正月丙戌考功郎中知制  
誥韓愈中書舍人丙申賜服緋魚周况妻  
韓氏墓誌云開封卒愈時為博士乞分教  
東都生以叔其擊於開封界中教畜之而  
歸長女其子周氏况韓氏嫁九年而死其  
從父愈於時為中書舍人心分教東都生  
在二年至今十年云嫁九年而死則二年  
分教東都生三年嫁韓氏于周况也公有  
詩寄周郎博士即况也實錄又云五月癸  
未降為太子庶子本傳云初憲宗將平右  
蔡命裴度視賊及還言賊可滅宰相議  
不合時宰相李逢吉崇貫之也愈亦奏言  
云：執政不喜賊有不悅愈者撫田其事

坐是改右庶子李翱云唯公以為盜殺宰相而遠息兵其為懦甚大兵不可以息故兵遂用而宰相有不使之者月滿遷中書舍人後竟以它事改右庶子其云月滿遷中書舍人者按裴度自司勳郎中知制誥為中書舍人白居易行制云量郎滿歲班列當遷編閣之職所宜真授公九年冬以考功知制誥至今春竟一歲矣李漢云叔拾遺文無所失墜公掌編誥一年無一篇見叔者失墜多矣唯後集有崔群戶部侍郎制一首云比參密命弘益既多及貳儀書升擢惟允旧史云群元和初為翰林李士以謹言正論聞於時遷禮部侍郎撰拔才行咸以心當轉戶部新史不載其為禮部闕文也酬盧給事雲夫曲江荷花行呈錢七兄閣老錢微元和初為翰林李士九

年爲中書舍人十一年罷爲右庶子詩云  
豈如散仙鞭笞宮壘鳳終日相進陪時心  
微同爲庶子也王用碑云京兆尹李愔當  
作愔：是年十月爲浙西觀察使科斗書  
後記云衛宏官書即曰唐志所云衛宏詔  
定古文官書新史作字書誤也歸心歸登  
也有文學工草隸見旧史

十二年丁酉秋爲彰義軍行軍司馬冬爲刑

部侍郎

公前此嘗薦殷侑堪任御史太常博士今  
年侑自太常博士遷虞部員外郎兼侍御  
史使回鶻時回鶻請婚有司度費五百萬  
朝廷方由兵淮西乃遣宗正少卿李孝誠  
及侑往諭不可新史以爲元和八年又云  
侑還遷虞部員外郎兼侍御史兼通  
志傳侑習諸經答殷侍御書云蒙示新注

公羊春秋疑卽循也一本以爲殷衙誤矣  
送循序張署墓誌皆爲庶子時作至崇署  
時已爲司馬亡銘君之績烟石壞下蓋祭  
文在墓誌後也唐史云十二年七月丙辰  
太子右庶子韓愈兼御史中丞充彰義軍  
行軍司馬心知晉公詩云長勢曲午非材  
識是也愈請乘遠先入汴說韓弘使叶力  
卽崇署亡丞相南討朱厚司馬議兵大梁  
走出洛下者時裴度拜門下侍郎平章事  
彰義軍節度淮西宣慰招討處置使度表  
刑部侍郎馬摠爲副愈爲行軍司馬司勳  
員外郎李正封都官員外郎馮宿禮部員  
外郎李宗閔兼侍御史節度觀察判官掌  
書記以詔鄆城爲蔡州治所八月三日庚  
申度赴行營天子御通化門勞遣之八月  
二十七日甲申至鄆城十月十七日癸酉

平蔡自受命東伐至平蔡凡七十餘日  
翔云十二年秋賊未滅丞相請公以行賜  
三品衣魚公知蔡州精卒聚界上以拒官  
軍守者率老弱且不過千人丞相請  
以兵三千人間道入擄元濟丞相必未及  
行李愬自唐州文城墨以夜入蔡州果得  
元濟平淮西碑云十月壬申愬用所得賊  
將官文成因天大雪疾馳百二十里用夜  
半到蔡破其門取元濟以獻壬申十六日  
也段文昌云十月既望愬遣其將一夕卷  
旆凌晨破關然則入蔡十六日平蔡十七  
日也旧史云巳卯入蔡又裴度吳元濟傳  
皆曰十日愬夜至蔡十一日擄元濟皆誤  
矣十二月壬戌度進金紫光祿大夫上柱  
國晉國公馬摠樞校工部尚書彰義節度  
丙子愈爲刑部侍郎公東征賦詩有云李



二十一日即正封馮十七日宿也晚秋鄆城  
夜會李正封聯句上王中丞盧院長按曰  
本從軍古云樂四句下註云正封上不脫  
中丞退之時兼御史中丞也羈容方寂歷  
下四句註云愈奉院長。即正封也其  
稱王盧繆矣詩云此年名作聖爾雅太歲  
在酉曰作聖也公庶刑部有奉錢徽自狀

忠道云蔡平公士柘嘗以計詔愈。白度使奉書論  
王承宗。惶恐割二州以獻

### 十三年戊戌

從晉公野宿西界詩云自趨新年慣太平  
公還朝在春首也進平淮西表云奉正月  
十四日勅牒一本表後云三月二十五日  
自奉勅至進碑凡七十日矣曰史云淮西  
碑多叙裴度事時先入蔡州李愬功第一  
愬不平之說令磨愈文命翰林學士段文

昌童撰文勒石收李義山詩云帝曰汝度  
功第一汝從事愈宜為辭句奇語重喻者  
少讒之天子言其私長繩百尺拽碑倒磨  
沙大石相磨沿東坡嘗於郊舍壁間見一  
詩云淮西功德冠吾唐吏部文章日月光  
千載斷碑人膽炙不知世有段文昌或曰  
此詩東坡作蓋東坡嘗作上清宮記蔡元

夏四月節餘慶為詳定禮樂使奏韓愈李  
程為副是年有李惟簡墓誌胡珣權德輿  
碑

十四年己亥春敗潮州刺史冬移袁州  
元日酬蔡州馬尚書去年蔡州元日見寄  
之什云元日新詩已去年當在今春也東  
史云鳳翔法門寺有釋迦指骨一節是年  
正月丁亥上令中使押宮人持香花迎佛

骨留禁中三日乃送諸寺王公士庶奔走  
捨施唯恐在後百姓有廢業破產燒頂灼  
臂而求供養者愈上疏極其弊矣已敗陳  
潮州刺史宰相疑馮宿草疏出宿爲歙州  
刺史時宰相皇甫縉程昇也公之被謫即  
日上道便道取疾以至海上初以二月二  
日過宣城見宣城驛記三月二十五日至

潮州謝上表云蒙恩除潮州刺史即日犇  
馬上道經涉嶺海水陸萬里以今月二十

五日到州上訖灑吏詩云南行逾六旬始  
下昌樂瀧又云下此三千里有州始在潮  
公以正月十四日去國行逾六旬三月幾  
望吳遂以二十五日至潮則是十許日行  
三千里蓋瀧吏水湍急故也瀧音雙歐陽  
忠公云龍州圖經樂昌縣西一百八十里  
武溪驚湍激石流數百里按武水源出郴

州武縣其俗謂水湍峻為瀧劉仲章者前  
為樂昌今余初以韓集云昌樂瀧疑其誤  
乃改從樂昌仲章云不然縣名樂昌而瀧  
樂其旧俗所傳如此韓集不誤也謝表又  
云年纔五十時年五十二四月十六日有  
送仙翁序二十四日有祭鱣魚文公初毛  
貶潮州至藍關有詩云雲橫嶺家何在秦

鄧州累有詩云意關那堪又憶家蓋公乘  
驛之官與家人別於京師其後家亦譴逐

及公於南方故道始興江口感懷云憶在  
童兒隨伯氏南來今祇一身存日前百口  
還相逐旧事無人可共論初心隨兄南遷  
予歆兄率北歸年百口避地江南至今三  
十餘年往時百口袖心存耳公在潮州有  
謝孔大夫狀云伏奉七月二十七日牒以  
某貶授刺史特加優禮以州小俸薄慮有

闕之每月別給錢五十千以送使錢充者  
開緘捧讀驚榮文至顧已量分慚懼益深  
欲致辭為讓則乖伏屬之禮承命苟貪又  
非循省之道進退反側無以自寧某妻子  
男女并孤遺孫姪叔婢等尚未到官窮州  
使賓罕至身衣口食糊米足充過此以往  
實無所用積之於室非廉者所為受之於  
官名且不正特蒙眷待輒此披陳此狀集  
中無之孔幾十二年秋自國子祭酒拜銜  
史大夫廣州刺史嶺南節度孔大夫即幾  
也潮州請置鄉校牒云趙德秀才即叙退  
之文章七十二篇為文錄者公有別趙子  
詩德自謂行道奉文庶幾乎古不肯從公  
于素而區私自連山從公于荆又從公于  
京師各從其志也素州謝表云先朝恕臣  
愚直不加大罪自刑部侍郎貶潮州刺史

伏遇其年七月十三日恩赦至其年十月  
二十四日準例量移改授袁州刺史是年  
七月己丑群臣上尊號曰元和聖文武  
法天應道皇帝御宣政樓受冊禮畢御丹  
鳳樓大赦天下己丑七月十三日也實錄  
云十月己巳韓愈袁州刺史己巳十月二  
十四日也公在潮有賀冊尊號表

十五年庚午秋己酉國子祭酒

是年閏正月穆宗即位袁州謝上表云臣  
以去年正月貶授潮州刺史其年十月移  
授袁州以今月八日到任曲江留別張韶  
州云來往再逢梅柳春知公去春到潮今  
春到袁也是春有賀穆宗即位賀赦賀冊  
皇太后賀慶雲四表奉韓泰自代狀滕王  
閣記云十五年十月袁州刺史祭湘君夫  
人云十五年十月朝散大夫守國子祭酒

按唐史云九月辛酉袁州刺史韓愈國車  
祭酒蓋命下在九月受命在十月是月為  
滕王閣記時猶未受祭酒之命也祭湘君  
夫人云前歲之春黜守潮陽去潮即素令  
又獲位於朝凡三年於今自十四年春至  
今年十月纔二年耳又云復其章綬者公  
為行軍司馬時賜金紫今為祭酒復其曰  
也次石顏釋寄江西王十中丞閣老云憑  
高試回首一望豫章城王仲舒自中書舍  
人除御史中丞觀察江西公北歸寄詩別  
之至江州寄鄆岳李大夫云故人薛禮闈  
旌節鎮江圻李程自禮部侍郎觀察鄆岳  
又云別來已三歲蓋程十三年出鎮與公  
別於京師今三歲矣又云年皆過半百時  
今五十三又云公其務賞過我亦請改年  
事然則二公嘗以事相失也題西林寺收

蕭二郎中田堂汪云公有女爲后在江州  
詩云中郎有女能傳業伯道無兒可保家  
偶到匡山曾任處幾行裏淚落烟霞一云  
今日匡山過曰僊空將裏淚對烟霞因話  
錄云蕭穎士子存字伯誠爲金部員外郎  
惡裴延齡之爲人弃官歸廬山以山水自  
娛終于校檢倉部郎中心少時嘗受金部  
賞知及自秦州入爲祭酒途經江州因遊  
廬山過金部山居訪知諸子凋謝唯二女  
在是因賦此詩留百嫌以極之行次安陸  
先寄隨州周員外云行：指漢東暫喜笑  
言同雨雪離江上蒹葭出夢中隨州一作  
循一作徐皆誤日本蓋曰周隨州循：其  
名也夢中夢澤也南海神廟碑云元和十二  
年詔用魯國孔公爲廣州刺史又云至州  
之明年即十三年明年祀歸即十四年明



年其時公又固往即十五年錢墓誌云祠  
部歲下廣州祭南海廟。入海口爲州者  
皆憚之不自奉事唯公歲自常行官吏刻  
石爲詞美之十五年遷吏部侍郎而旧史  
云錢每受詔自祀風波而往愈在潮州作  
詩美之按十五年退之已移袁州旧史誤  
也年孟簡書云行官自南回過吉州得手  
書簡十五年春貶吉州司馬也又云潮州  
時有一老僧號大顛頗聰明識道理遠地  
無可與諸者故自山召至州郭留數十日  
及祭神海上遂造其廬及來袁州留衣服  
爲別乃人之情非崇信其法求福田利益  
也東坡云退之喜大顛如喜文暢澄觀之  
意而世妄撰退之年顛書其詞九節有一  
士人又於其末題云歐陽永叔謂此文非  
退之莫能及此又誣永叔也近世所傳退

之別傳載公與大顛往復之語抵退之深  
其言多近世經義之說又於其末作永叔  
跋云使退之復生不能自解先吾友吳源  
明云徐居平見介甫不喜退之故作此文  
耳論黃家賊事宜狀云去年賊嶺外刺史  
謂在潮時黃家賊即柳子厚所稱管黃  
少卿等也論典貼良人男女狀云臣往  
萊州刺史此狀在還朝之後萊人以男女  
爲隸過期不贖則沒入之愈至悉計瀆得  
贖所沒歸之父母七百餘人又論夷獠請  
回改元大慶遣使宣諭仍擇經略使撫之  
是年有柳子厚姪孫澹祭文墓誌嘗直云  
退之自潮州還朝後文不煩繩削而自合  
志道云不知者傳愈稍信奉佛氏簡素  
佛以書贊之愈答書以辨

穆宗長慶元年辛丑秋遷兵部侍郎

公去冬之末道出漢東今春方至京師心  
有詩云竄逐三年海上歸自十四年謫潮  
至今春到闕首尾三年矣李翱云公入遷  
祭酒有直講能說禮而陋容李官多豪族  
子擯之不得共食公命吏曰召直講來與  
祭酒共食李官由此不敢賤直講奏儒生  
爲李官曰使會講生徒奔走聽聞皆相喜  
曰韓公來爲祭酒國子監不寂寞矣公在  
國子有李張推素自代狀論新注李官牒  
聲張籍狀請上尊號表云坐狀冀部旋定  
出郝冀王承元出劉焯也張籍祭公詩云  
我官麟臺中公爲大司成念此委末秩不  
能力自揚特狀爲博士始獲升朝行時籍  
自校書郎爲國子博士公爲祭酒雨中寄  
籍記云歲晚備蕭索誰當救晉饑籍答云  
聞道韓夫子還同此寂寥公諒厲後進館

之者十六七雖晨炊不給怡然不介意族  
姻友旧不自立者必待我然後永食嫁娶  
喪葬而公自切至先家人常百口宜其負  
也唐史云秋七月庚申國子祭酒韓愈為  
兵部侍郎公為兵部有奉韋顛自代狀是  
年有李邢祭文墓誌鄭群薛戎墓誌

志道云公傑吏部國子監李官非通經博涉及進士

五經諸也登科人勿擬新官上日必加研試然後放上

二年壬寅春奉使鎮州秋遷吏部侍郎

元年七月壬戌鎮州亂殺田弘正立王廷  
湊命深州刺史牛元翼節度深冀以討之  
十月丙寅命裴度為鎮州四面行營都招  
討使戊辰元翼為廷湊所圍二年春二月  
甲子赦廷湊詔愈宣撫衆皆危之愈既至  
諭以逆順辭情切至廷湊畏重之語在本  
傳李翱曰朝廷以廷湊為節度使詔公往

宣撫歸而牛元翼果出及還於上前奏  
廷湊及三軍語上大悅曰卿直向伊如此  
道由是有意大肉授吏部侍郎心使鎮州  
次壽陽驛詩云風光欲動別長安春半邊  
城特地寒鎮州初歸詩云還有小園桃李  
在留苑不發待郎歸心以二月初使鎮州  
二月望次壽陽驛比還春末羊壽陽太原  
之東邑也時裴度屯承天行營有酬裴司  
空詩云羣逐三年歸海上逢心復此著征  
衣蓋公嘗從度討蔡今復使廷湊也又鎮  
州路上酬裴重見寄詩云御命山東撫亂  
師日馳三百自嫌遲奉使往返纔公兩月  
者以此旧文云度受命之日蒐兵補卒自  
董西師臨於賊境屢以捷聞進位檢校司  
空也開州韋侍講盛山十二詩序云韋侯  
昔以考功副郎盛山處厚以元和十一守

年九月自考功爲開州刺史也又云及此  
年韋侯爲中書舍人侍講六經禁中處厚  
以元和十五年三月壬子以侍講奉士講  
詩關雎書洪範于太液亭今年夏四月爲  
中書舍人也論變鹽法事宜狀曰史云二  
年三月張平叔爲戶部侍郎上疏請官自  
賣鹽可以富國強兵陳利害十八條詔下  
其疏令心卿詳議中書舍人韋處厚隨條  
詰難事遂不行司馬溫公云愈時奉使鎮  
州未還狀云奉今日九日勅不知其何月  
也今附於四月之末穆宗實錄云二年九  
月庚寅兵部侍郎韓愈爲吏部侍郎公行  
狀云令史皆不鎖聽出入或問心曰久  
所畏鬼者以其不能見也鬼如可見則人  
不畏矣選人不得見令史故令史勢重聽  
其出入故勢輕邠州谿堂詩後曰長慶二

年十月建序曰憲宗十四年馬心爲節度  
觀察使上即位之二年召公入穆宗以元  
和十五年即位。之二年長慶元年也  
上之三年心爲政於曹濮適四年矣正  
在今年是年有竇司業祭文墓誌楚國夫  
人墓誌黃陵碑

三年癸卯夏爲京北尹兼御史大夫冬復爲  
兵部侍郎又遷吏部侍郎

實錄云三年六月辛卯吏部侍郎韓愈京  
北尹兼御史大夫勅放臺參後不得爲例  
時宰相李逢吉與李紳不協及紳爲中丞  
乃除愈京北尹兼御史大夫仍放臺參紳  
性峭直屢上疏論其莫遂與愈障理往復  
逢吉乃而罷之出紳爲江西觀察使以心  
爲兵部侍郎答友人論京北尹不臺參  
容桂觀察使帶中丞尚不臺參京北群國

之首所管神州赤縣官帶大夫豈得却不  
如事須臺參亦是何典故赤令尚與中丞  
分道而行何況京尹聖恩以為然便令宣  
與李紳不用臺參今本顛倒不可讀當從  
唐本也李翱云改京兆尹六軍將士皆不  
敢犯私相言曰是尚欲燒佛骨者安可忤  
故盜賊止遇旱米價不敢上實錄云十月  
癸巳愈為兵部侍郎庚子為吏部侍郎公  
為京兆有奉馬摠官代狀賀雨賀太陽不  
虧表祭竹林神曲江祭龍文再為兵部有  
奉張正甫自代狀羅池廟碑云尚書吏部  
侍郎韓愈撰長慶元年正月建按長慶元  
年正月公尚為祭酒二年九月始為吏部  
文忠公古據建碑時公未為吏部碑云柳  
侯死後三年廟成明年愈為柳人書羅池  
事不厚以元和十四年卒後三年愈作至



碑時當是長慶三年其云元年蓋傳摹者  
誤刻之耳是年有送鄭權尚書序并詩祭  
馬摠張徹女孥文并女孥墓誌韓弘碑李  
千墓誌論孔戣致仕狀

四年甲辰冬退之歿年五十七贈禮部尚書

謚曰文

是年正月敬宗即位二月有王仲舒碑一

本云公諱弘中字某司馬公云實錄新書

傳皆名仲舒字私中又宴喜亭記稱王私

中則私中必字也仲舒貞元十年登賢良

方正科碑云貞元初射策拜左拾遺墓誌

云貞元十年按陸贄之貶在十一年春而

陽城傳云裴延齡讒毀陸贄等坐貶黜城

率捨遺王仲舒數人守延英上疏則墓誌

云十年是吳四月張徹墓誌云其妻早以

居之喪葬於某州某所而祭文云無所掩

葬輿魂東歸者徹初被殺招魂而歸其後  
故人以幣請之范陽始得歸葬也八月有  
孔戡墓誌公行狀云正議大夫行尚書吏  
部侍郎上柱國韓公四年疾病滿百日罷  
以十二月卒於靖安里第載公屬纊語曰  
愈兄德行高曉方藥食必視本草年止於  
四十二愈疎浮食不擇禁忌位爲侍郎年  
出但兄十五歲如人不足於何而足且獲  
終英牖下幸不至尖管以下見先人可謂  
榮矣明年張籍祭公詩云去夏公請告養  
疾城南莊籍時官休罷兩月同游翔皇子  
陂岸西地曠氣色清新池平四漲中有蒲  
葍香北臺臨稻疇茂柳多陰涼板亭坐垂  
釣煩苦稍已平共愛池上佳聯句舒遐情  
會有賈秀才來茲六間并移舫入南溪東  
西縱蒿根盤回入潭瀨下網截鯉魴踏沙

擬小疏樹下蒸新粳日來相与嬉不知暑  
景長月中登高灘星漢交垂芒釣車擲長  
線有獲齊驩驚夜闌乘馬歸衣上草露光  
公爲遊溪詩唱詠多慨慷自期此終老結  
社於其鄉城南莊在長安城南公之別墅  
也池上聯句集中無之游溪詩即南溪始  
泛三首是也魯直於退之最愛此詩以爲  
有詩人句律之深意蓋退之絕筆於此賈  
秀才即島：有韓侂卨夜泛南溪詩又云  
籍受新官誥拜恩堂入城心不同歸還居  
處隔一坊籍長慶初爲國子博士二年爲  
水部今秋爲國子司業也又曰公有曠達  
識生死爲一網及當臨終展意色亦不荒  
贈我珍重言傲無委衾裳其於死生之際  
如此東坡云歐陽永叔司馬君實范景仁  
皆不喜俳然其聰明之所照了德力之所

成就真佛法也愚於退之亦云皇甫湜云  
先生洞朗軒闥不施戟級平居雖寢食未  
嘗去書怠以為枕冷以飴口未嘗一日不  
對客聞人或畫見其面退相指話以為異  
行狀云氣厚性通議論失大體与人交終  
始不帶凡椽内外及交友之女無主者十  
人切養於嫂鄭氏及嫂沒為之暮服以報  
之但史云少時与洛陽孟郊東郡張籍友  
善名位未振愈不避寒暑稱葦於心解開  
而籍終成科第榮於祿仕後雖通貴每退  
心之際則相与談讌論文賦詠如平昔觀  
諸權門豪士如僕隸耳瞪然不顧大抵以  
興起名教獎仁義為事新史不詳著其語  
今附于此然旧史既云性弘通又云性褊  
僻不若新史云性明既不說隨為得其實  
也旧史又云愈時恃才肆意南人妄以柳

宗元爲羅池神而愈碑以實之李賀父名  
晉愈爲賀作諱辯令奉進士以此非愈按  
羅池事理或有之未必柳人之妄也劉詒  
錄云元和中李賀善爲歌篇韓公深所知  
重於搢紳間每加延譽由是聲華籍甚時  
元稹年少以明經擢第常願交結賀一日  
執勢造門賀覽刺令僕者謂曰明經及第  
何事來看賀李稹慙憤而退其後稹制策  
登科日當要路及爲禮部郎中因議賀之  
諱晉不合應進士舉文公惜其才爲著諱  
辯以明之據言亦云賀奉進士或諱賀不  
避家諱文公特著諱辯一篇亟則賀嘗奉  
進士而元稹諱之也諱辯亦云賀奉進士  
有谷而唐史本傳云父名晉肅以是不應  
進士愈爲作諱辯竟不就試非也退之勸  
賀奉進士蓋惜其才耳何恃才肆意之有

呂大防年譜記

按呂氏譜作於洪氏  
之先故附此記于此

予苦韓文杜詩之多誤既難正之又各為年

譜以次第其出處之歲月而略見其為文之

時則其歌時傷世幽憂竊歎之意粲然可觀

又得以考其辭力少而銳壯而肆老而嚴非

妙於文章不足以至此元豐七年十一月十

三日汲郡呂大防記

孫伯野跋洪慶善年譜

右洪慶善所次昌黎年譜宣和壬寅夏得於

其叔成季觀其推次之工次知其學非苟然

者杜淮西事宜狀有可疑者按通鑑元和九

年閏八月丙辰少陽薨其子元濟匿喪以病

聞自領軍務九月元濟不迎弔祭使發兵四

出屠舞陽焚葉襄城十年春正月縱兵侵掠

及於東畿巴亥制削元濟官爵命宣武等十

六道兵進討其後久未有功五月上遣中師

丞裴度詣行營察用兵形勢度還言淮西必  
可取之狀考功郎中知制誥韓愈上言謂克  
淮西在陛下斷與不斷則是裴度察形勢還  
後退之方有事宜狀：中云去年春夏已來  
蓋謂少陽未死前尔恐宜從通鑑六月九日  
孫傳伯野父題

洪慶善年譜後記

僕初作昌黎年譜叙淮西事宜狀在元和九  
年孫心伯野辨其非是乙巳歲再加考

增廣文興祖記



昌黎先生年譜終

